Ғаллаорол туманлараро иқтисодиц суди 4-1302-2402/1185-сонли иқтисодий иш

Узбекистон Республикаси номидан ХАЛ КИЛУВ КАРОРИ

Ғаллаорол тумани

2024 йил 28-июнь

Fаллаорол туманлараро иқтисодий суди раиси-судья Ш.Қодиров, судья ёрдамчиси Э.Мамаражаповнинг котиблигида, даъвогар "Жумабой ота Мингбоев" фермер хўжалиги манфаатида Ўзбекистон фермер, деҳқон хўжаликлари ва томорқа ер эгалари Бахмал туман Кенгашининг жавобгар "FRUITS OF PARADISE" МЧЖга нисбатан 7 038 000 сўм ундириш ҳақидаги даъво аризаси бўйича иқтисодий ишини суд биносида очиқ суд мажлисида кўриб чиқиб, қуйидагиларни

аниклади:

Даъвогар "Жумабой ота Мингбоев" фермер хўжалиги манфаатида Ўзбекистон фермер, деҳқон хўжаликлари ва томорқа ер эгалари Бахмал туман Кенгаши иқтисодий судга даъво аризаси билан мурожаат қилиб, жавобгар "FRUITS OF PARADISE" МЧЖдан 7 038 000 сўм ундириб беришни сўраган.

Суд мажлисига даъвогар ва жавобгар вакиллари келмади.

Шунингдек, Ўзбекистон фермер, деҳқон ҳўжаликлари ва томорқа ер эгалари Баҳмал туман Кенгаши вакили ҳам суд мажлисга келмади. Олдинги суд мажлисида кенгаш вакили даъво талабини қўллаб-қувватлаган.

Суд иш ҳужжатларини ўрганиб чиқиб қуйидагиларга кўра, даъво талабини қаноатлантиришни лозим топади.

Иш хужжатларида кўринишича, "Жумабой ота Мингбоев" фермер хўжалиги томонидан жавобгар "FRUITS OF PARADISE" МЧЖга 3060 кг. дон махсулоти етказиб берилган.

Ушбуга оид тарафлар ўртасида 08.07.2022-йил куни тузилган 1-сонли юк ташиш хати мавжуд бўлиб, унда 3060 кг. дон махсулоти етказилганлиги кўрсатилган.

Даъвогар фермер хўжалиги томонидан жавобгарга мазкур берилган 3060 кг. дон (арпа) махсулот учун 2024-йил 21-июнь куни 5-сонли қиймати 7 038 000 сўм бўлган хисоб фактура ҳам берган.

2024-йилни 24-апрель кунги ушбу 7 038 000 сўм қарздорликни 5 кун ичида тўлаб бериш ҳақидаги жавобгарга берилган талабнома бажарилмагандан сўнг фермер хўжалиги манфаатида Ўзбекистон фермер, деҳқон хўжаликлари ва томорқа ер эгалари Бахмал туман Кенгаши иқтисодий судга даъво аризаси билан мурожаат қилиб, уни жавобгардан ундириб беришни сўраган.

Гарчи, тарафлар ўртасида дон махсулотларини етказиб бериш ҳақида шартнома тузилганлиги даъво аризасида кўрсатилган бўлсада, бирок мазкур шартноманинг мавжудлиги аниқланмади.

"Хўжалик шартномаларини тузиш, ўзгартириш ва бекор қилишни тартибга солувчи фукаролик қонун ҳужжатлари нормаларини қўллашнинг айрим масалалари тўғрисида" ги Ўзбекистон Республикаси Олий ҳўжалик суди Пленум Қарорининг 8-бандида, агар тарафларнинг шартномавий ҳуқукий муносабатларга киришганлиги ёзма ёки бошқа далиллар билан тасдикланса, шартноманинг мавжуд эмаслиги даъвогарнинг етказиб берилган товарлар, бажарилган ишлар, кўрсатилган хизматлар қийматини ундириш ҳақидаги талабларини қаноатлантиришни рад этиш учун асос бўла олмаслиги, агар қонунда ёки тарафларнинг келишувида битимнинг оддий ёзма шаклига риоя қилмаслик унинг ҳақиқий эмаслигига олиб келиши тўғридан-тўғри кўрсатилган бўлса, ушбу қоида қўлланилмаслиги ҳақида судларга тушунтириш берилган.

Қайд этилганлардан келиб чиқиб суд даъво талабини қаноатлантиришни лозим топади.

Суд харажатларини жавобгар зиммасига юклаш лозим бўлади.

Юқоридагиларга кўра, Ўзбекистон Республикаси Иқтисодий процессуал кодексининг 21-боб қоидаларини қўллаб, суд

қарор қилади:

Даъво аризаси қаноатлантирилсин.

Даъвогар "Жумабой ота Мингбоев" фермер хўжалиги фойдасига жавобгар "FRUITS OF PARADISE" МЧЖдан 7 038 000 сўм асосий қарз, тўланган 34 000 сўм почта харажатлари ундирилсин.

Жавобгар "FRUITS OF PARADISE" МЧЖдан Республика бюджетига 340 000 сўм давлат божи ундирилсин.

Хал қилув қарори қонуний кучга киргач ижро варақалари берилсин.

Хал қилув қарори қабул қилинган пайтдан бошлаб бир ой муддат ўтгач қонуний кучга киради.

Мазкур ҳал ҳилув ҳарори ҳабул ҳилинган кундан эътиборан бир ой ичида апелляция тартибида, ҳал ҳилув ҳарори ҳонуний кучга киргандан сўнг эса олти ой ичида кассация тартибида Ғаллаорол туманлараро иҳтисодий суди орҳали Жиззах вилоят суди (иҳтисодий ишлар бўйича судлов ҳайъати)га шикоят (протест) бериши мумкин.

Судья

Ш.А.Қодиров

